

զի ոչ ոք կարէ այսուհետեւ մնալ աստ ասէին՝ ոչ Մեծաւոր և ոչ Միաբան՝ կամ Ջանադիր լինիլ գտանել հնարս ազատութեան, և կամ առաքել զայլս ոմանս 'ի ակզի նոցա, տիրել հայրենի ժառանգութեանց՝ զի մի կորիցէ, ահա մերձեալ է ժամանակ գալստեան կուսակալին :

Իլամն դատաստանին Հայոց եւ Յունաց առաքեցին յայնժամ ատենակալք առ Արքայ՝ որպէս գրեցաք, եւ 'ի սոյն աւուրս (1811. 'ի 13 Փետրվարի) եհան զայն Արքայ և առաքեաց 'ի Գուռն մեծի դենպետին հանդերձ Կայսերական հրովարտակաւ, և եղեւ ուրախութիւն և ցնծութիւն մեծ ազգին Հայոց : Եւ կազմեցաւ Ատեան մեծ 'ի Գուռն Դենպետին, ('ի 27 Փետրվարի) ուր ժողովեալ էին ամենայն նախարարք և գործակալք Տէրութեան մեծ և փոքր : Գնացին 'ի կոչն Հայք եւ Յոյնք, ուր նախ ընթերցան զիլամն, և ապա զհրաման Արքային, որոյ իմասան էր « Հիմն եղեալ զհրովարտակա նախնոյն իմոյ Սէլիմայ Արքայի՝ որ տիրեաց Պաղեստինոյ, եւ ըստ մտաց նոցին հրամայեցի տալ հրովարտակ Հայոց և Յունաց, զի որպէս տիրէին յառաջագոյն տեղեաց իւրեանց եւ կատարէին զուխտս, նոյնպէս արասցեն և այժմ չնեղելով զիրեարս, զի զերկոսին ազգսն հաւասար ճանաչեմ : զի թէպէտ եւ Յոյնք հրամանաւ իմով շինեցին զտաճարն, այլ զրաժին ծախուց տեղեացն Հայոց հատուցեն նոքա Յունաց, ըզկէս ծախուց բաժանորդ տեղեաց՝ և զբովանդակ ծախան սեփհական տեղեաց, և հաստասեսցի այս օրինօք Գատարանի, զի մի յետոյ հակառակեսցին ընդ միմեանս : զի յայանի լիցի թէ Յոյնք միայն շինելոյ ունին հրաման, և ոչ բոլորին տիրելոյ, և ամենայն հրովարտակք՝ զորս առեալ են երկոքին ազգքն, ամենեքեան անվաւեր և խափանեալ համարեսցին, և միայն յարգեսցին հրովարտակքն Սէլիմայ, սուեալ 'ի թուին Հիճրէթի ԳԻԿ : Եւ նոր հրովարտակքն՝ զորս հանդերձեալ եմք տալ երկոցունց, արձանագրեսցին յամենայն Դիւանս, և մի օրինակն պահեսցի 'ի գանձն Արքայի » :

Լուեալ Հայոց զհրաման Արքային՝ խոնարհեալ յերկիր բարեմաղթութեամբ շնորհս կալան բարերար յԱրքայէ : Գատաւորք հարցին ցՅոյնս, ասացէք՝ ո՞րքան է ծախք